

***Kommunalbestyrelsip juunip 18-ani 2018-imi immikkut ittumik ataatsimiinnerata ex01/2018  
imaqarniliornera***

Ataatsimiinneq Videokonference atorlugu ingerlanneqassaaq aallartissallunilu nal. 08.30

Peqataasut:

***Atassut***

Siverth K. Heilmann  
Anna Karen Hoffmann  
Emilie Olsen

***Inuit Ataqaatigiit***

Juliane Enoksen  
Erneeraq Poulsen

***Partii Naleraq***

Malene Ingemann

***Siumut***

Malik Berthelsen  
Evelyn Frederiksen  
Ruth Heilmann  
Gideon Lyberth  
Karl Lyberth, *Imm. 05 kingorna peqataajunnarpoq*  
Alfred Olsen, *Frederik Olsen-imut sinniisussatut*  
Hans Frederik Olsen  
Efraim Olsen, *Jakob Olsen-imut sinniisussatut*

***Nalunaaqqaarlutik peqataannngitsut***

Jakob Olsen  
Frederik Olsen  
Sofie Dorthe R. Olsen

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Aningaasaqarnermut tunngasut  
Atuarfik Kilaaseqqami aamma Kangaamiuni Atuarfimmi kiisalu  
meeraateqarfik Naja-mi nutarsaanerit**

**Imm. 03 Missiliuut C, Maniitsumi arsaattarfik ivigaaraasaasoq**

**Imm. 04 2018-imut ataatsimut tapiissutit**

**Imm. 05 Tamalaat**

**Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput.

**Imm. 02     Atuarfik Kilaaseeqqami aamma Kangaamiuni Atuarfimmi kiisalu  
meeraateqarfik Naja-mi nutarsaanerit**

*Journal nr. 23.02.06*

Tunuliaqutaq

Namminersorlutik Oqartussat nutaanik sanaartornissamik aamma kommunip atuarfiutaani meeqqeriviutaanilu pioreersuni nutarsaanissamut akisussaasuupput. 2018-imi januaarip aallaqqaataa aallarnerfigalugu Namminersorlutik Oqartussat immikkoortoq kommuninut tunniunnikuuat, 90 mio. koruunillu kommuninut agguataarlugit. Atuartut amerlassusaat aammalu kommunimi meeqqerivinni meeqqat amerlassusaat kiisalu kommunimi inoqarfiit amerlassusaat agguaassinermi najoqqutarineqarpoq. Atuarfinnut meeqqerivinnullu ukiumut 13,738 mio. koruuninik Qeqqata Kommunია pissarsivoq.

Kangaamiuni atuarfimmik nutarsaanissamut aningaasanik tullinnguuttunik 2018-imut missingersuutitut ukiunullu missiliuuteqarfiusunut, Qeqqata Kommunალbestyrelsia immikkoortitsinikuuvoq: pilersaarusiornissamut 2018-imut 2 mio. koruunit aammalu 2019-imi nutarsaanissamut 10,362 mio. koruunit.

Assinganik Maniitsumi Atuarfik Kilaaseeqqamik nutarsaanissamut aningaasanik tullinnguuttunik 2018-imut missingersuutitut ukiunullu missiliuuteqarfiusunut Qeqqata Kommunალbestyrelsia immikkoortitsinikuuvoq: 2018-imi pilersaarusiornierup aallartisarneqarnissaanut 0,5 mio. koruunit, 2019-imi pilersaarusiornissamut 2 mio. koruunit tamatumalu kingorna ukiunut missiliuuteqarfiusunut ukiumut 13,7 mio. koruunit.

Maleruagassatigut tunngavissat

Atuarfik pillugu Inatsisartut inatsisaat nr. 15, 3. december 2012-imeersoq

Pissutsit atuuttut

Kommunit kattussuunneqanngikkallarnerini Naminersornerullutik Oqartussat sanaartortitsisoralugit Qeqqata Kommuniani atuarfiit tullinnguuttut nutarsarneqarput: Kangerlussuaq, Atammik aamma Itilleq. Kommunit kattussuunneqarnerisa kingorna Aningaasaqarnermut inatsimmi aningaasat immikkoortitat Qeqqata Kommuniata tigunikuuai, taamaalillunilu aallaqqaammut Sisimiuni illoqarfimmi atuarfinni marluusuni tamatumalu kingorna Sarfannguani Atuarfimmik nutarsaanermut atatillugu sanaartortitsisunngorluni.

Sisimiuni illoqarfimmi atuarfinnik nutarsaanermut atatillugu, sanaartortitsisup siunnersortaatur atorfimmik utaqqiisaasumik inuttaliisoqassasoq, kommunალbestyrelsi aalajangiivoq. Ilutigitiillugu politikerinit aamma atuarfinit kiisalu ilinniartitaanermut aamma teknikkimut avatangiisinullu immikkoortortaqarfinit inuttalimmik immikkut atuarfiliortiternermut ataatsimiititaliamik pilersitsisoqarpoq. Atuarfiliortiternermut ataatsimiititaliamik pilersitsineq, sanaartugassap annertussusaanut atatillugu suliassap annertussusaata, aammali atuarfinnik nutarsaanerup ingerlanerani, ulluinnarni ingerlanissamut atuarfinni annertuunik unammillernartoqartussaammat.

Sarfannguit assigalugit Kangaamiuni suliassaq aningaasaqarnikkut annertussusaa naammaannartuuvoq. Kangaamiuni innuttaasut ikiliartorerisa kingunerivaat, siusinnerusumut sanilliullugu atuarfik ikinneerarsuarnik atuartuuteqarnera. Ilutigitiillugu atuarfik arlalinnik

quleriiuvoq arlalinnullu agguataagaalluni, taamaalilluni nutarsaanissaq immikkoortunut ajornanngitsunnguamik agguataarneqarsinnaalluni.

Kangaamiuni atuartut amerlassusaasa ikilinerata kingorna, ini atuartitsivik ataaseq atorneeruttoq atuarfimmi meeqqanut atualersussanut atorneqartarnikuuvoq. Suliniut taanna atualersussat atuarfimmuut ikaarsaartarnerannik ima pitsaanerusement kinguneqarnikuuvoq, Kangaamiuni Atuarfik meeraateqarfille Naja nutarsaanerup nalaani, ataatsimoortunngorlutik nuunnissartik namminneerlutik kissaatiginikuullugu. Atuarfiup uiggiutaa nutaanerused meeraateqarfissatut immikkoortinneqarnissaa, maannakkut meeraateqarfiusup illutaa atuarfiup allaffeqarfissat kiisalu sananermut nipilersornermullu toqqagassanut atuartitsivissatut tiguneqarnissaa, taamaalilluni atuagassorfiunerusunit nipiliortarnerup peerneqarnissaa kissaatigineqarluni. Aammattaaq maanna meeqqeriviusup atuareernerup kingorna paaqqinnittarfittut/sunngiffimmi sammisaqarfittut atorneqarsinnaanissaa periarfissaavoq.

Nunaqarfimmi aqutsisut sammisaq kingullermik 2018-imi maajip 24-ani Kangaamiuni kommunalbestyrelsip ataatsimiinnerani qaqippaat.

Kangaamiuni Atuarfik aamma meeraateqarfik Naja-mik nutarsaaneeq pillugu suleqatigiissitamik Teknikkimut, Ilinniartitaanermut, Maniitsumi pisortaanerup sulisuinik, Kangaamiuni Atuarfimmik kiisalu meeraateqarfik Naja-mit inuttaqartoq pilersinneqarpoq. Suleqatigiissitamut Ilinniartitaanermut immikkoortortaqaq ataqatigiissarisuullunilu allattaavoq. Sanaartortitsisup siunnersuutaa nunaqarfimmi aqutsisunut aamma Ilinniartitaanermut, Peqqinnermut, Sunngiffimmi sammisanut Kulteqarnermullu ataatsimiititaliamut aggustimi/septembarimi saqqummiunneqassasoq naatsorsuutigineqarpoq.

Maniitsumi suliaasaq annertunerungaatsiarpoq, Sisimiunilu nutarsaanerup ingerlanneqarneraniit ajornarnerussalluni. Tamanna ilaatigut atuarfiup eqqaani inissakinneq, ilaatigullu illoqarfimmi meeqqat atuarfiannut allamut atuartut nuunnissaanut periarfissaaleqineq patsisaavoq. Taamaattumik Sisimiuni misilittakkanit ilikkakkat ilinniartiginissaat kiisalu unammillernartut annertunerused eqqumaffigineqarnissaat inissimaniissaaq.

Atuarfik Kilaaseeqqap nutarsarnissaa pillugu suleqatigiissitamik Teknikkimut immikkoortortamit, Ilinniartitaanermut immikkoortortamit, Maniitsumi pisortaanerup sulisuinik kiisalu Atuarfik Kilaaseeqqamit inuttaqartoq aallartinneqarpoq. Suliaassat aallartinneqareerput. Suleqatigiissitamut Ilinniartitaanermut immikkoortortaqaq ataqatigiissarisuullunilu allattaavoq. Aggustimi Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut saqqummiunneqarnissaa siunertaralugu, suliniummumut pilersaarummik atuarfiliortiternermut ataatsimiititaliamik ilaqartumik suliaqartoqarpoq. Sisimiuni misilittakkat takukkit, piaartumik sanaartortitsisumut siunnersortimik atorfitsitsisoqarnissaa pisariaqartinneqarpoq.

#### Atuilluatuunissakkut kingunerisinnaasai

Atuarfiit pioreersut naammattumik ilikkagaqarnissamut periarfissiinnngillat, taamaattumik nutarsaanissaq pingaaruteqarpoq.

#### Aningaasaqarnikkut allaffissornikkullu kingunerisinnaasai

Nutarsaaneeq, iluarsartuussineq aserfallatsaaliinerlu assigiinngitsuupput.

Oqoqarneranik pasitsaassinermi aammalu iluarsartuussinissamut aserfallatsaaliinissamullu pisariaqartitsisoqartillugu, ingerlaannartumik Teknikkimut immikkoortortamut

saaffiginnittoqartussaavoq. Tunuliaqutani taaneqartut aningaasat saniatigut Kilaaseeqqap iluarsartuunnissaanut aserfallatsaalinnissaanullu aningaasanik immikkoortitsisoqarnikuuvoq. Pasitsaassisoqartillugu assersuutigalugu oqoqarsinnaananut misissuinernik Teknikkimut immikkoortortaq aallartitsisarpoq aammalu iluarsartuussinernik aallartitsisarluni. Illuutininik nutarsaanissamut atuiffimmit 2017-imi Kilaaseeqqami silaannarissarfiit taarserneqarput. Taakkunanga 2017-imi Kilaaseeqqamut 421.020,00 koruunit atorineqarnikuupput. Atuiffik taanna 2017-imi 3.000.000 koruuninik imaqarpoq. Kangaamiuni timersortarfeeqqap ikuallannerata kingorna annertunerusumik sillimmasiissutinit nutarsarneqassaaq. Illuutininik nutarsaanermut marloriaammik 2018-imi immikkoortitsisoqarnikuuvoq, taamaalilluni 2018-imut aningaasaliissutit 6 mio. koruuniullutik.. Atuarfik Kilaaseeraq minikollegia ilanngullugu Iluarsartuussinermut aserfallatsaaliinermullu suli 550.000,00 koruuninik peqarpoq.

#### Allaffeqarfiup naliliinera

Allaffeqarfiup nalilerpaa, atuarfinnik nutarsaanernik suliaqarnissamut Maniitsumi kommunip allaffiani inissimasussamik sanaartortitsisumut siunnersortimik atorfinitsitsinissaq pingaaruteqartoq. 2017-imut missingersuutinit nutarsaanermut aningaasaliissutinit immikkoortitsinikkut Teknikkimut Avatangiisinullu immikkoortortaq, ataatsimut isigalugu sanaartornermut missingersuutaat qaffakkiartorput aammalu atuarfinnik nutarsaanernik suliaqarnissamut namminersorlutik oqartussanit tiguneqarmata, suliaqarnissamut tamaasa igerlannissaat ajornakusoorluni.

#### Innersussut

Allaffeqarfiup Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut aamma Teknikkeqarnermut Aatsitassarsiornermut Avatangiisinullu ataatsimiititaliamut, Aningaasaqarnermut ataatsimiititaliamut kiisalu Kommunalbestyrelsimut akuereqqullugu innersuussutigaa

-atuarfinnik nutarsaanermut aningaasat immikkoortitat atorlugit, Kangaamiuni aamma Maniitsumi atuarfinnik nutarterinermik suliaqarnermut sanaartortitsisup siunnersortaanik atorfinitsitsisoqassasoq

-aggustimi Kilaaseeqqamut suliniummut pilersaarummik aamma aggustimi/septembarimi Kangaamiuni atuarfimmut sanaartortitsisup siunnersortaanik saqqummiinissaq siunertaralugu sulineq ingerlaqqissasoq

#### Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap suliamik suliarinninnera

Ataatsimiititaliap maajip 28-ani 2018 ataatsimiinnermini innersuussut akuersissutigivaa.

#### Innersuussut

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap aningaasaqarnermut ataatsimiititaliamut innersuussutigivaa akuereqqullugu,

-atuarfinnik nutarsaanermut aningaasat immikkoortitat atorlugit, Kangaamiuni aamma Maniitsumi atuarfinnik nutarterinermik suliaqarnermut sanaartortitsisup siunnersortaanik atorfinitsitsisoqassasoq

-aggustimi Kilaaseeqqamut suliniummut pilersaarummik aamma aggustimi/septembarimi Kangaamiuni atuarfimmud sanaartortitsisup siunnersortaanik saqqummiinissaq siunertaralugu sulineq ingerlaqqissasoq

Aningaasaqarnermut ataatsimiititaliap suliamik suliarinninnera

Ataatsimiititaliap juuni 11-ani 2018 ataatsimiinnermini innersuussut akuersissutigivaa.

### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-atuarfinnik nutaarsaanermut aningaasat immikkoortitat atorlugit, Kangaamiuni aamma Maniitsumi atuarfinnik nutarterinermik suliaqarnermut sanaartortitsisup siunnersortaanik atorfinitsitsisoqassasoq

-aggustimi Kilaaseeqqamut suliniummut pilersaarummik aamma aggustimi/septembarimi Kangaamiuni atuarfimmud sanaartortitsisup siunnersortaanik saqqummiinissaq siunertaralugu sulineq ingerlaqqissasoq

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. Sisimiuni atuarfinnik nutarsaaneq: Suliniummut pilersaarutitut siunnersuut, januar 2010

**Imm. 03 Missiliuut C, Maniitsumi arsaattarfik ivigaaraasaasoq**

*Journalnr. 06.02.01*

Tunuliaqutaq

Maniitsumi arsaattarfimmik ivigaaraasumik inissiffiusinnaasunut assigiinngitsunut pingasunut missiliuummik C-mik suliaqartoqarnikuuvoq.

Maleruagassatigut tunngavissat

GBU unammersuarnermi malittarisassat.

Arsaattarfiit angissusissaannut tunngatillugu, kommunimi malittarisassaqaangilaq.

Pissutsit atuuttut

2017-imi novembarip 23-ani kommunalbestyrelsi ataatsimiinnermini aalajangiivoq, Maniitsumi FIFA angissusiligaatut angissusilimmik arsaattarfimmik ivigaaraasumik pilersitsoqassasoq. Qaqqap suatungaaniit qaartiterisoqaruni pitsaanerussanersoq pillugu misissuisoqassasoq kommunalbestyrelsip kissaatiginikuuvaa.

Qaartitigassat annertussusaat annikinnerpaat, aammalu taamaalilluni arsaattarfik akikinnerpaaq, arsaattarfiup avannaatungaani kujataatungaani qaartiterinikkut (Masantimit allakkiami option 5) anguneqarsinnaasoq Masanti annertussutsinik naatsorsuina tunngavigalugu inerniliunneqarnikuuvoq. Taassuma aamma pitsaaqutigivaa, qaartitikkat pukkinerpaamik innaqalersitsissagamik.

Aammattaaq arsaattarfimmit qaartiternerlukut inissiiinissanut assigiinngitsunut marlunnut missiliuutinik naatsorsuisoqarnikuuvoq. Periarfissat aapparivaat, mittarfiup alannguani inuussutissarsiorfissamut immiissutitut qaartiternerlukut atorneqarsinnaanerit. Periarfissat aapparivaat, tatsiap matunissaa siunertaralugu, qeqertaq Akunnequt sapusernissaanut qaartiternerlukut atorneqarsinnaanerit, puttasunik nutaanik inissiiiviusinnaangorlugu.

Qaartiternerlukunik inissiiinissamut missiliuutinik marlunnik suliaqartoqarnikuuvoq, aappaa ujaqqanik ajornaatsunnguamik noraanissaq, aappaa silaannarmik naqitsinertuumik atuiluni aqutamik ilaliinikkut. Qaartiternerlukut Akunnequtinut sapisiamut atorneqassappata, sapisiamik aalajaatsumik pissarsiniarluni aqutamik ilassutissaq pisariaqassaaq.

Masanti immap naqqanik (ilanngussaq 4) uuttortaanikuuvoq naatsorsorlugulu, Akunnequtit tikillugit sapisiamik suliaqarnissanut arsaattarfimmiit qaartiternerlukut naammannissaat ilimanaateqartoq. Sapusiaq ilanngussaq 5-imi takutinneqartut 1:1 (45 gradenik sivinganilerlugu) sanarfineqassaaq, mallit aporartarnissaanut sapisiap aalajaatsuunissaanut qaartiternerlukut assigiinngiiaartut qaartiternerlukunillu angisuunik toqqaviliilluni suliaassalluni. Ajornaatsumik nioqqaanikkut sapisiaq taamaattoq anguneqarsinnaangilaq, qaartiternerlukunilli aqutsilluni ikkussuineramik pisariaqartitsissaaq. Ajornaatsumik noraanikkut ujaqqat ajornangitsunnguamik sinaanut sisoorsinnaapput, taamaalilluni 1:1-imit suliaq nalimanerussaaq, aammalu ujaqqat annertussusaat naammannaviaratik. Ujaqqanik angisuunik toqqavilinngikkaanni aamma sapisiaq aalajaatsuunaviangilaq. Kujasimmik anorlertillugu mallit sunniutaat annertoorujussuusinnaapput, taamaammat immikkut illersorsinnaasumik toqqaviliinikkut aalajaatsumik sanarfinngikkaanni naatsorsuutigineqartariaqarpoq, piffissap ingerlanerani sapisiaq aseroriartornissaa aammalu imangortitamut sisooriartornissaa. Tamanna pissagaluarpata, sapisiap iluarsaannissaa



**Kommunalbestyrelsep juunip 18-ani 2018-imi immikkut ittumik ataatsimiinnerata ex01/2018  
imaqarniliornera**

ajornakusoorlunilu akisussaaq, aammalu ujaqqaq qaqeqqinnissaanut angallammik  
assaassutitalimmik angisuumik pisariaqartitsisoqassalluni. Taamaattumik aallaqqataaniit sapsusiap  
ajunngitsumik sularineqarnissaa pingaaruteqarpoq.

**Aningaasaqarnikkut allaffissornikkullu kingunerisinnaasai**

Aaqqiissutissanut assiginngitsunut pilersaarusiorneq ilanngullugu missiliuutit C ima isikkoqarput:

Maniitsumi arsaattarfik ivigaarasoq, missiliuut C	Option 1	Option 3	Option 5
	avannaatungaaniq kitaatungaaniq annertusaaneq	kujataatungaaniq kangiatungaaniq annertusaaneq	avannaatungaaniq, kujataatungaaniq, kangiatungaaniq annertusaaneq
Ajornanngitsumik nioraaneq, inuussutissarsiuuteqarfik	13.260.000	15.450.000	13.060.000
Aqutamik ilasineq, inuussutissarsiuuteqarfik	14.960.000	17.650.000	14.660.000
Ajornanngitsumik nioraaneq, umiarsualiveqarfik	15.160.000	18.250.000	14.760.000
Aqutamik ilasineq, umiarsualiveqarfik	19.560.000	23.650.000	19.060.000

Maniitsumi ivigaaraasumik arsaattarfiliornissamut sanaartornermi missingersuutini 13,1 mio.  
koruunit immikkoortitaapput. Suliariumannittussarsiuussereernerup kingorna missiliuut C  
qaangerneqanngippat, option 5-imi (avannaatungaani aamma kujataatungaani qaartiterilluni)  
arsaattarfik inissinnissaa aammalu inuussutissarsiorfimmi qartiternerlukunik ajornanngitsumik  
nioraanikkut missingersuutit iluanni suliarineqarsinnaavoq.  
Akunnequtini sapsusiassamut qaartiternerlukut atorineqarnissaat kissaatigineqarpat, taava 6 mio.  
koruuninik immikkut aningaasaliisoqarnissaanut pisariaqartitsisoqassaaq.

**Allaffeqarfiup naliliinera**

Option 5 arsaattarfiup avannaatungaani kujataatungaani qaartiterinissaq pitsaanerpaatut  
nalilerneqarpoq. Inissiivik akikinnerpaassaaq, pukkinerpaamik innaqassaaq, aammalu arsaattarfiup  
isuata aappaani pinnguarterfiup aamma illuatungaani biilnut inissiisarfiup akornanni  
pitsaanerpaamik naapeqatigiitsissaaq.

**Allaffeqarfiup innersuussutaa**

Teknikkeqarnermut, Aatsitassarsiornermut Avatangiisinullu ataatsimiititaliamut  
innersuussutigineqarpoq tullinnguuttut arlaat toqqaqqullugu

1. Ajornaatsumik nioraanikkut inuussutissarsiorfimmi sanaartorfigissaanermi immiissutitut  
qaartiternerlukut atorineqassasut Immikkut aningaasaliissutitaqanngilaq.

imaluunniit

2. Aqutamik assiaqusiilluni Akunnequtitut sapsusiamik pilersitsinissamut qaartiternerlukut  
atorineqassasut. Immikkut aningaasaliineq 6 mio. koruunit.

Teknikkeqarnermut, Aatsitassarsiornermut Avatangiisinullu ataatsimiititaliap suliamik suliarinninnera

Ataatsimiititaliap juunip 5-ani 2018 ataatsimiinnerani Siunnersuut 2 akuersissutigineqarpoq, immikkut aningaasaliisoqassasoq ujartuiffigineqassaaq.

Sipaartissanillu allanik ujartuisoqassasoq ukioq manna.

Innersuussut

Teknikkeqarnermut, Aatsitassarsiornermut Avatangiisinullu ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-aqutamik assiaqusiilluni Akunnequtinut sapsuamiamik pilersitsinissamut qaartiternerlukut atorneqassasut. Immikkut aningaasaliineq 6 mio. koruunit

- sipaarutissanik allanik ujartuisoqassasoq ukioq manna

Aningaasaqarnermut ataatsimiititaliap suliamik suliarinninnera

Ataatsimiititaliap juuni 11-ani 2018 ataatsimiinnermini innersuussut akuersissutigivaa. Kommunalbestyrelsi immikkut ittumik ataatsimiigiaqquneqassaaq qanittumi.

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-aqutamik assiaqusiilluni Akunnequtinut sapsuamiamik pilersitsinissamut qaartiternerlukut atorneqassasut. Immikkut aningaasaliineq 6 mio. koruunit

- sipaarutissanik allanik ujartuisoqassasoq ukioq manna

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Masanti – Arsaattarfimmik ivigaaraasumik inissiinissaq pillugu allakkiaq
2. Nunap assinga, Akunnequt
3. Masanti-mit maileq
4. K01.01 – Uuttuut
5. K01.02 – Talittarfik nutaaq

**Imm. 04      2017-imut ataatsimut tapiissutit**

*Journalnr. 06.01.01*

Tunuliaqutaq

2018-imut Aningaasanut inatsit kommuninut ataatsimut tapiissutitaqartoq Inatsisartut akuersissutiginiikuvaat. 2018-imi ataatsimut tapiissutinik Qeqqata Kommunian qanoq pissarsiaqassanerani takussutissamik Aningaasaqarnermut Naalakkersuisoqarfik nassiussiniikuvoq.

Maleruagassatigut tunngavissat

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 26. juli 2012-imeersoq Qeqqata Kommunianut karseqarnermut naatsorsuuserinermullu malittarisassat

Pissutsit atuuttut

Kommuninut ataatsimut tapiissutissat siornatigut nalunaarutigineqarsimasunut sanilliullugu, kommuninut ataatsimut tapiissutissat qaffanneqarnissaat pillugu allannguutissatut siunnersuut, Inatsisartut 2017-p ukiakkut ataatsimiinnerminni akuersissutigaat. Matumani pingaartumik innuttaasut namminneq illuliornissaannut, Ilaqutariinnut Kiffartuussivimmut Inerisaavimmullu aningaasaliissutit kiisalu assigiimmik akeqartitsinerup aaqquissuuteqqinneqarnerini kingunerisaannut aningaasaliissutit pineqarlutik.

Atuilluartuunissakkut kingunerisinnaasai.

Namminersorlutik Oqartussanit aningaasaliissutinut akisussaaffimmik kommunit tigusinerat isumalluarnarpoq. Atuilluartumik ineriartortitsissagaanni, qanilaartuunissamut tunngavik pingaaruteqarpoq.

Aningaasaqarnikkut allaffissornikkullu kingunerisinnaasai

Aningaasanut Inatsisitigut Qeqqata Kommunian 2018-imi ataatsimut tapiissutinik katillugit 283.399 000 koruuninik pissarsissaaq, taamaakkaluartorli ataatsimut tapiissutinik kommunip 2018-imut missingersuutaani isertitassat 272.927.000 koruunit taamaallaat missingersuusiarineqarsimapput. Ataatsimut tapiissutit iluarsiiqqineqarnerisa kingorna 2018-imi isertitassat 10.472.000 koruuninik annertunerussapput, ukiunilu missiliuteqarfiusuni annertunerulaassallutik.

Atuiffik	Atuiffiup taaguutaa	2018- imut missinger suutit	Missiliuu t 2019	Missiliuu t 2020	Missiliuu t 2021
2018-imut Aningaasanut inatsit	Ataatsimut tapiissutit	-283.399	-283.399	-283.399	-283.399
83-01-00-82-01	Miss.	-272.927	-272.657	-272.657	-272.657
83-01-00-82-01	Missingersuutitigut iluarsiissutit	-10.472	-10.742	-10.742	-10.742

Assigiimmik akeqartitsineq eqqarsaatigalugu Nukissiorfiit appasinnerusunik akeqartitsineratigut kommunimi Maniitsumi nunaqarfiinilu pilersuinermi aningaasartuutit appasinnerulissapput, Kangerlussuarmili akigititat sooq suli appartinneqarsimannginnersut ersinngilaq. Kommuninut sipaarut taanna, ataatsimut tapiissutitigut Namminersorlutik Oqartussanut utertinneqarpoq. Siunnersuutigineqassaaq, tamanna patsisaalluni kommunip suliffeqarfiutaanni missingersuutit appartinneqassanngitsut.

Ilaqutariinnut Kiffartuussivik Inerisaavillu eqqarsaatigalugit kommunit siornatigut Namminersorlutik Oqartussanit tapiiffigineqarnissaminnik qinnuteqartarnikuupput, tapiissutillu taakku utertitassanngorlugit pisarnikuullugit. Ataatsimut tapiissutinut isumaqatigiissuteqarnikkut kommunit siunissami qinnuteqarnissaminnut, kingornalu akiligassiisarnissaminnut piffissaajarunnarlutik, aalajangersimasumik tapiiffigineqartalissapput. Qeqqata Kommunია 1.973.000 koruuninik taartisissaaq, taakkunanngalu 1.240.000 koruunit 2018-imut missingersuutini, ukiunilu missiliuuteqarfiusuni tapiissutitut ilanngunneqarsimasunut matussusiillutik, 733.000 koruunillu sinneruttut Ilaqutariinnut Kiffartuussiviup Inerisaaviullu suliniutiminnut Namminersorlutik Oqartussanut qinnutigisarnikuusaannut matussutissatut atorneqassasut siunnersuutigineqarluni.

Innuttaasut illuliornissaannut nutarterinissaannullu pisortat taarsigassarsisitsisarnerini kommunit akisussaaffimmik tamakkiisumik tigusinissaat, isertitanut amerliartuinnartunut pingaarnertut patsisaavoq. Ilanngullugu akigititat nutarterneqarnikuummata, innuttaasullu taarsigassarsisinneqarnissaannut periarfissat allanngortinneqarnikuummata, periarfissat taakku innuttaasunit qanoq annertutigisumik atorluarneqassanersut oqaatigiuminaappoq.

20-20-60 aqutigalugu, piginneqatigiillunilu inissialiornissamut pisortat taarsigassarsisitsinissaanni aningaasat affai innuttaasut kommuninut qinnutigisussaasarmatigut, qinnuteqaatit Qeqqata Kommuniata manna tikillugu tamaasa akuersissutigisarpai. Illunik pioreersunik nutarterinissamut Namminersorlutik Oqartussat manna tikillugu kisimiillutik tapiissuteqarsinnaapput, matumanilu 40 procentinik taarsigassarsisinnaanermut periarfissaaq pioreersoq, maanna nutarterisitsinermi aningaasartuutit pensionisialinnut tamakkiisumik matussuserneqartalerlutik.

Illunut tunngatillugu Qeqqata Kommunია 5,8 mio. koruuninik taartisissaaq, aningaasaliissutilli taakku sinningaatsiarlugit qinnuteqaatinik tiguisoqartassasoq allaffeqarfiup naatsorsuutigalugu. Taamaalilluni Qeqqata Kommunია missingersuutaani, 20-20-60-inut, piginneqatigiillunilu inissianut kommunip akiligassaanut 10 mio. koruunit immikkoortinneqarnikuullutik. Taamaalilluni tassunga aningaasaliissutit qaavatigut 10 mio. koruuninik suli immikkoortitsisoqartariaqaraluarpoq. Tassunga ilanngullugu innuttaasut tamarmik illunik nutarterisitsinissamut, pensionisiaqartullu nutarterisitsinissamut periarfissaat nutaaq ilanngunneqartussaapput.

Allaffeqarfiup siunnersuutigaa, ataatsimut tapiissutinut aningaasat sinneruttut – imaappoq, Ilaqutariinnut Kiffartuussivimmu Inerisaavimmullu aningaasaliissutit ilanngaatigalugit – illunut tunngatillugu missingersuutigineqassasut. Aningaasanngorlugu 2018-imi 8.499.000 koruuniuvoq (10.472.000 kr. minus 1.973.000 kr). Siunnersuutigineqassaaq, 2 mio. koruunit pensionisiallit taarsigassarsisinnaanissaannut, 2 mio. koruunit nutarterisitsinissamut tapiissutissanut, sinneruttullu 4,499 mio. koruunit 20/20-60 aqutigalugu illuliornernut, piginneqatigiillunilu inissialiornernut immikkoortinneqassasut.

**Kommunalbestyrelsip juunip 18-ani 2018-imi immikkut ittumik ataatsimiinnerata ex01/2018  
imaqarniliornera**

Ataatsimoortumik siunnersuutigineqarpoq, ataatsimut tapiissutit annertusisat tulliuuttut agguataarneqassasut:

Atuiffik	Atuiffiup taaguutaa	2018-imut missingers uuitit	Missiliuut 2019	Missiliuut 2020	Missiliuut 2021
83-01-00-82-01	Ataatsimut tapiissutit	-10.472	-10.742	-10.742	-10.742
41-09-10-12-10.	Ilaqutariinnut suliniutit, Sisimiut	+400	+400	+400	+400
41-09-10-82-01	Namminersorlutik Oqartussanit tapiissutit, Sis	+700	+700	+700	+700
41-09-20-12-10	Ilaqutariinnut suliniutit, Maniitsoq	+333	+333	+333	+333
41-09-20-82-01	Namminersorlutik Oqartussanit tapiissutit, Man	+540	+540	+540	+540
93-02-00-90-20	Pensionisialinnut illumut taarsigassarsiissutissat	+ 2.000	+ 2.000	+ 2.000	+ 2.000
93-02-00-90-21	Nutarterinissamut taarsigassarsiissutissat	+ 2.000	+ 2.000	+ 2.000	+ 2.000
93-02-00-90-30	Illuliornissamut taarsigassarsiissutissat	+ 4.499	+ 4.769	+ 4.769	+ 4.769
	<b>Katillugit</b>	<b>0</b>	<b>0</b>	<b>0</b>	<b>0</b>

Allaffeqarfiup naliliinera

Allaffeqarfiup nalilerpaa, kommuninut akisussaaffinnik amerlanerusunik nuutsinissaq Inatsisartut akuersissutigisimammassuk pitsaasuusoq, pisortat ingerlatsinerannik sunniuteqarnerusumik malitseqarmat. Kommunit innuttaasunut qaninnerupput, tamatumalu malitsigivaa, Namminersorlutik Oqartussanut sanilliullugu kommunini sullissineq ajornaannerusooq, akikinnerusooq sunniuteqarnerusorlu. Taamaakkaluartoq innuttaasut illuliornissamut nutarterinissanullu taarsigassarsisitsissutissat tunniunneqarnerat ilutigalugu akigititit allangortinneqarlutillu, periarfissat nutaat eqqunneqarnerat nalaatsorpoq. Tamanna kommunit aqutsiniarnerinut ajornartorsiortitsilissaaq.

Allaffeqarfiup inenrsuussutaa

Missingersuutissatut siunnersuutigineqartut aallaavigalugit allaffeqarfiup innersuussutigaa, kommunalbestyrelsimit akuereqqullugu aningaasaqarnermut ataatsimiititaliap innersuussutigisigaa,

-eqitsisini qulaaniittuni aningaasaliissutit allannguutaat akuersissutigineqassasut, 2018-imullu missingersuutinut ukiunullu missiliuteqarfiusunut 2019-imiit 2021-mut ilanngunneqassasut

Aningaasaqarnermut ataatsimiititaliap suliamik suliarinninnera

Ataatsimiititaliap juuni 11-ani 2018 ataatsimiinnermini innersuussut akuersissutigivaa.

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-eqitsisini qulaaniittuni aningaasaliissutit allannguutaat akuersissutigineqassasut, 2018-imullu missingersuutinut ukiunullu missiliuteqarfiusunut 2019-imiit 2021-mut ilanngunneqassasut

***Kommunalbestyrelsep juunip 18-ani 2018-imi immikkut ittumik ataatsiminnerata ex01/2018  
imaqarniliornera***

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. [http://naalackersuisut.gl/~media/Nanoq/Files/Attached%20Files/Finans/DK/Bloktilskudsftaler/Me  
d%20kommunerne/Bloktilskudsftale%202018%20-%20DK.pdf](http://naalackersuisut.gl/~media/Nanoq/Files/Attached%20Files/Finans/DK/Bloktilskudsftaler/Me<br/>d%20kommunerne/Bloktilskudsftale%202018%20-%20DK.pdf)
2. 2018-imi ataatsimut tapiissutit - excelark

**Imm. 05 Tamalaat**

Borgmesteri ilisimatitsissuteqarpoq savalimmiormiut erinarsoqatigiit tikeraartut pillugit.

Naluttarfimmut tunngasoq Alfred Olsen-ip apeqqutaa borgmesterimit akineqarpoq.

Malene Ingemann-ip Simon Simonsen-imit ataatsimeeqateqarnissaq pillugu apeqquta borgmesterimit akineqarpoq.

Emilie Olsen-ip kommunit suleqatigiinnerannut toqqaaniarneq pillugu oqaaseqaataa borgmesterimit akineqarpoq.

Malene Ingemann-ip oqaaseqaataa KNAPK-p isumaqatigiinniutaa aalisakkat akii pillugit borgmesterimit akineqarpoq. Juliane Enoksen-ip kaammattuutigaa Aalisarnermut Piniarnermullu ataatsimiititaliaq qisuariaateqartariaqartoq.

Sissami angallatit kiveqqasut marluk pillugit Alfred Olsen-ip apeqqutaa borgmesterimiit akineqarpoq.